

摛藻堂四庫全書薈要

集部

欽定四庫全書會要

集部

御定全唐詩卷二百三十五

詳校官候補通政司經歷臣郭祚熾

欽定四庫全書
全唐詩卷一百三十五

集部

御定全唐詩卷一百三十五

賈至

至字幼隣洛陽人父曾開元初掌制誥至擢明經第
爲單父尉拜起居舍人知制誥父子繼美帝常稱之肅
宗擢爲中書舍人坐小法貶岳州司馬寶應初召復故
官除尚書左丞大歷初封信都縣伯遷京兆尹右散騎
常侍卒謚曰文集十卷今編詩一卷

自蜀奉冊命往朔方途中呈韋左相文部房尚

書門下崔侍郎

胡羯亂中夏靈輿忽南巡衣冠陷戎寇狼狽隨風塵幽
公秉大節臨難不顧身激昂白刃前濺血下沾巾尚書
抱忠義歷險披荆榛扈從出劍門登翼岷江濱時望挹
侍郎公才標縉紳亭亭崑山玉皎皎無纊磷顧惟乏經
濟扞牧陪從臣永願雪會稽仗一作劍清咸秦太皇時內

禪神器付嗣君新命集舊邦至德被遠人捧冊自南服

奉詔趨北軍覲謁心載馳遠離難重陳策馬出蜀山畏
途上緣雲飲啄叢菁間棲息虎豹羣崎嶇危棧惴慄
一作悚驚心神峭壁上欵岑大江下沄沄皇風扇八極異類
懷深仁元亮誘黠虜肘腋生妖氛明主信英武威聲赫
四一作殊隣誓師自朔方旗幟何纊紛鐵騎照白日旄頭拂
秋旻俟將來一作盪滄溟寧止蹤崑崙古來有屯難否泰長
相因夏康續禹績代祖復漢勲于役各勤王驅馳拱紫
宸豈惟太公望往昔逢周文誰謂三傑才功業獨殊倫

感此慰行邁無為歌苦辛

贈裴九侍御昌江草堂彈琴

朔風吹疎林積雪在崖巘鳴琴草堂響小澗清且淺沈吟東山意欲去芳歲晚悵望黃綺心白雲若在眼

巴陵早秋寄荊州崔司馬吏部閻功曹舍人

謫居瀟湘渚再見洞庭秋極目連江漢西南浸斗牛滔滔盪雲夢澹澹搖巴丘曠如臨渤海宵疑造瀛洲君山麗中波蒼翠長夜浮帝子去永久楚詞尚悲秋我同長

沙行時事加百憂登高望舊國胡馬滿東周宛葉遍蓬蒿樊鄧無良疇獨攀青楓樹淚灑滄江流故人西掖寮同扈岐陽蒐差池盡三黜蹭蹬各南州相去雖地接一作近不得從之遊耿耿雲陽臺迢迢王粲樓跂予暮霞裏誰謂無輕舟

閒居秋懷寄陽翟陸贊府封丘高少府

今日霖雨霽颯然高館涼秋風吹二毛烈士加慨慷憶昔皇運初衆賓俱龍驤解巾佐幕府脫劍升明堂郁郁

被慶雲昭昭翼太陽鯨魚縱大壑鸞鷟鳴高岡信矣草
創時泰階速賢良一言頓遭逢片善蒙恩光我生屬聖
明感激竊自彊崎嶇郡邑權連騫翰墨場天朝富英髦
多士如圭璋盛才溢下位蹇足徒猖狂閉門對羣書几
案在我旁枕席想遠遊聊欲浮滄浪八月白露降玄蟬
號枯桑艤舟臨清川迢遞愁思長我有同懷友各在天
一方離披不相見浩蕩隔兩鄉平生霞外期宿昔共行
藏豈無蓬萊樹歲晏空蒼蒼

送友人使河源

送君魯郊外下車上高丘蕭條千里暮日落黃雲秋舉
酒有餘恨論邊無遠謀河源望不見旌旆去悠悠

送李侍御

我年四十餘已歎前路短羈離洞庭上安得不引滿
李侯忘情者與我同疎懶孤帆泣瀟湘望遠心欲斷

送耿副使歸長沙

畫舸欲南歸江亭且留宴日暮湖上雲蕭蕭若流霰昨

夜相知者明發不可見惆悵西北風高帆為誰扇

送夏侯子之江夏

扣楫洞庭上清風千里來留歡一盃酒欲別復裴回相見楚山下漁舟憶釣臺羨君還舊里歸念獨悠哉

寓言二首

春草紛碧色佳人曠無期悠哉千里心欲采商山芝歎息良會晚如何桃李時懷君晴川上佇立夏雲滋

凜凜秋閨夕綺羅早知寒玉砧調鳴杵始擣機中紈憶

昨別離日桐花覆井欄今來思君時白露盈階溥聞有
關河信欲寄雙玉盤玉以委貞心盤以薦嘉餐嗟君在
萬里使妾衣帶寬

燕歌行

國之重鎮惟幽都東威九夷北制胡五軍精卒三十萬
百戰百勝擒單于前臨滹沱後一作阻易水崇山沃野亘千
里昔時燕山重賢士黃金築臺從隗始倏忽興王定一作臺
薊丘漢家又以封王五侯蕭條魏晉為橫流鮮卑竊據

朝五州我唐區夏餘十紀軍容武備赫萬祀形弓黃鉞
授元帥墾耕大漠為內地季秋膠折邊草腓治兵羽獵

因出師千營萬隊連旌旗望之如火忽電馳匈奴憚竄

窮髮北大荒萬里無塵飛君不見

一本無君
不見三字

隋家昔為天下

宰窮兵黷武征遼海南風不競多死聲鼓卧旗折黃雲

橫六軍將士皆死盡戰馬空鞍歸故營時移

一作遷

道革天

下平白環入貢滄海清自有農夫已高枕無勞校尉重

橫行

巴陵寄李二戶部張十四禮部

時貶岳州司馬

江南春一作芳草初暮幕愁殺江南獨愁客秦中楊柳
也應新轉憶秦中相憶人萬里鶯花不相見登高一

望淚沾巾

長門怨

獨坐思千里春庭曉景長鶯喧翡翠幙柳覆一作暗金
堂舞蝶繁愁緒繁花對靚妝深情託瑤瑟絃斷不成章

銅雀臺

日暮銅臺靜西陵鳥雀歸撫絃心斷絕聽管淚霏微靈
几臨朝奠空牀卷夜衣蒼蒼川上月應照妾魂飛

侍宴曲

雲陞褰珠一作衣裳一作辰一作天丹一作天一
墀覆綠楊隔簾妝隱一作一

掩暎向席舞低昂鳴珮長廊靜開冰廣殿涼歡餘劖履

散同輩入昭陽

對酒曲二首

梅發柳依依黃鸝一作鶯歷亂飛當歌憐景色對酒惜芳菲

曲水浮花氣流風散舞衣通宵留暮雨上客莫言歸

春來酒味濃舉酒對春叢一酌千憂散三盃萬事空放
歌乘美景醉舞向東風寄語尊前客生涯任轉蓬

送陸協律赴端州

越井人南去湘川水北流江邊數盃酒海內外作一孤舟

嶺嶠同仙客京華即舊遊春心將別恨萬里共悠悠

送王員外赴長沙

携手登臨處巴陵天一隅春生雲夢澤水溢洞庭湖共

歎虞翻枉同悲阮籍途長沙舊卑濕今古不應殊

送夏侯叅軍赴廣州

聞道衡陽外由來鴈不飛送君從此去書信定應稀雲
海南溟遠煙波北諸徵勉哉孫楚吏緣服正光輝

長沙別李六侍御

月明湘水白霜落洞庭乾放逐長沙外相逢路正難雲
歸帝鄉遠鴈報朔方寒此別盈襟淚雍門不假彈

岳陽樓宴王員外貶長沙

一題作南
州有贈

極浦三春草高樓萬里心楚山晴靄碧湘水暮流深忽
與朝中舊同為澤畔吟停盃試北望還欲淚沾巾

詠馮昭儀當熊

白羽插雕弓婉旌動朔風平明出金屋扈輦上林中逐
獸長廊靜呼鷹御苑空王孫莫諫獵賤妾解一作當熊

自

當熊

早朝大明宮呈兩省僚友

銀燭熏一作朝天紫陌長禁城春色曉蒼蒼千條弱柳垂

青瑣百轉黃鸝繞一作滿建章劖珮聲隨玉墀步衣冠身

惹一作御爐香共沫恩波鳳池上一作朝朝染翰侍君王
裏

白馬

白馬紫連錢

一作嘶鳴丹闕前

聞珂自蹀躞不要下金鞭

贈薛瑤英

元載末年納薛瑤英為姬

以體輕不勝重衣於外國求龍綃衣之惟至及

楊炎與載善得見其歌舞各贈詩

舞怯銖衣重笑疑桃臉開方知漢成帝虛築避風臺

出塞曲

萬里平沙一聚塵南飛羽檄北來人傳道五原烽火急

單于昨夜冠

一作新秦
扣

春思二首

草色青青柳色黃桃花歷亂李花香東風不為吹愁去
春日偏能惹恨長

紅粉當爐弱柳垂金花臘酒解酴醿笙歌日暮能留客
醉殺長安輕薄兒

勤政樓觀樂

銀河帝女下三清紫禁笙歌出九城為報延州來聽樂

須知天下欲昇平

贈陝掾梁宏

梁子工文四十年詩顛名過草書顛白頭仍作功曹掾
祿薄難供沽酒錢

荅嚴大夫

今夕秦天一鴈來梧桐墜葉搗衣催思君獨步華亭月
舊館秋陰生綠苔

送李侍郎一作御赴常州

雪晴雲散北風寒楚水吳山道路難今日送君須盡醉

明朝相憶路漫漫

初至巴陵與李十二白裴九同泛洞庭湖三首

江上相逢皆舊遊湘山永望不堪愁明月秋風洞庭水

孤鴻落葉一扁舟

楓岸紛紛落葉多洞庭秋水晚來波乘興輕舟無近遠

白雲明月弔湘娥

江畔楓葉初帶霜渚邊菊花亦已黃輕舟落日興不盡

三湘五湖意何長

西亭春望

日長風暖柳青青北鴈歸飛入宵冥岳陽城上聞吹笛
能使春心滿洞庭

君山

湘中老人讀黃老手援紫藟坐碧草春至不知湖水深
日暮忘却巴陵道

洞庭送李十二赴零陵

今日相逢落葉前洞庭秋水遠連天共說金華舊遊處
回看北斗欲潛然

江南送李卿

雙鶴南飛度楚山楚南相見憶秦關願值迴風吹羽翼
早隨陽鴈及春還

送王道士還京

一片仙雲入帝鄉數聲秋雁至衡陽借問清都舊花
月豈知遷客泣瀟湘

巴陵夜別王八員外

一作蕭靜詩題
云三湘有懷

柳絮飛時別洛陽
梅花發後到在三湘世情已逐浮
雲散離恨空隨江水長

別裴九弟

西江萬里向東流
今夜江邊駐客舟
月色更添春色好
蘆風似勝竹風幽

送南給事貶崖州

疇昔丹墀與鳳池
即今相見兩相悲
朱崖雲夢三千里

欲別俱為慟哭時

重別南給事

謫宦三年尚未回故人今日又重來聞道崖州一作
萬里今朝湏盡數千盃

岳陽樓重宴別王八員外貶長沙

江路東連千里潮青雲北望紫微遙莫道巴陵湖水闊
長沙南畔更蕭條

御定全唐詩卷二百三十五

欽定四庫全書
欽定全唐詩卷一百三十六

集部

御定全唐詩卷一百三十六

錢起

錢起字仲文吳興人天寶十載登進士第官秘書省校書郎終尚書考功郎中大歷中與韓翃李端輩號十才子詩格新奇理致清贍集十三卷今編詩四卷

紫參歌

并序

紫參幽芳也五葩連萼狀飛禽羽舉俗名之五鳥

花起故山道人蘭若尤豐此藥校書劉公詠歌之
俾予繼組

遠公林下滿青苔春藥偏宜間石開往往幽人尋水見
時時仙蝶隔雲來陰陽雕刻花如鳥對鳳連鷄一何小
春風宛轉虎溪傍紫翼紅翹翻霽光貝葉經前無住色
蓮花會裏暫留香蓬山才子憐幽性白雪陽春動新詠
應知仙卉老雲霞莫賞夭桃滿蹊逕

瑪瑙盃歌

瑤溪碧岸生奇寶剖質披心出文藻良工雕飾明且鮮
得成珍器入芳筵含華炳麗金尊側翠筆瓊觴忽無色
繁弦急管催獻酬倏若飛空生羽翼堪蘭英照豹斑
滿堂詞客盡朱顏花光來去傳香袖霞影高低傍玉山
王孫彩筆題新詠碎錦連珠復輝映世情貴耳不貴奇
謾說海底珊瑚枝寧及琢磨當妙用燕歌楚舞長相隨

鋤藥詠

蒔藥穿林復在巘濃香秀色深能淺雲氣垂來裛露偏

松陰占一作古處知春晚拂曙殘鶯百囀催紫泉帶石樂花

開不隨飛鳥緣枝去如笑幽人出谷來對之不覺忘疎
嬾廢卷荷鋤嫵日短豈無萱草樹堦墀惜爾幽芳世所
遺但使芝蘭出蕭艾不辭手足皆胼胝寧學陶潛空嗜
酒頹齡捨此事東菴

病鶴篇

獨鶴聲哀羽摧折沙頭一點畱殘雪三山侶一作仙伴能遠

翔五里裴回忍為別驚羣各畏野人機誰肯相將霞水

飛不及川鳬長比翼隨波雙泛復雙歸碧海滄江深且
廣目盡天倪安得往雲山隔路不隔心宛頸和鳴長在
想何時白霧捲青天接影追飛太液前

片玉篇

至寶未為代所奇謚靈示璞荆山陲獨使虹光天子識
不將清韻世人知世人所貴惟燕石美玉對之成瓦礫
空山埋照凡幾年古色蒼痕宛自然重溪幕幕暗雲樹
一片熒熒光石泉美人之鑒明且徹玉指提攜歎奇絕

試勞香袖拂莓苔不覺清心皎冰雪連城美價幸逢時
命代良工豈見遺試作珪璋禮天地何如瑞瑩在堦墀

畫鶴篇省中作

點素凝姿任畫工霜毛玉羽照簾櫳借問飛鳴華表上
何如粉續彩屏中文昌宮近芙蓉闕蘭室綑縕香且結
鑪氣朝成緜嶺雲銀燈夜作華亭月日暖花明梁燕歸
應驚片雪在仙闈主人顧盼千金重誰肯襄回五里飛

秋霖曲

君不見聖主旰食憂元元秋風苦雨暗九門鳳凰池裏
沸泉騰蒼龍闕下生雲根陰精離畢太淹度倦鳥將歸
不知樹愁陰慘淡時殷雷生靈墊溺若寒灰公卿紅粒
爨丹桂黔首白骨封青苔貂裘玉食張公子魚炙熏天
戟門裏且如歌笑日揮金應笑禹湯能罪已鶴鳴蛙躍
正及一作其時豹隱蘭凋亦可悲焉得太阿決屏翳還令率
土見朝曦

白石枕并序

起與監察御史卑公耀交之厚矣頃於藍水得片
石皎然霜明如其德也許為枕贈之及琢磨將成
炎暑已謝俗曰猶班女之扇可退也君子曰不然
此真卑公之佳賞也故珍而賦之

琢珉勝水碧所貴素且貞曾無白圭玷不作浮磬鳴捧
來太陽前一片新冰清沈沈風憲地待爾秋已至璞堅
難為功誰怨晚成器比德無磷縕論交亦如此

賦得青城山歌送楊杜二郎中赴蜀軍

蜀山西南千萬重仙經最說青城峯青城嶽岑倚空碧
遠壓峨嵋吞劍壁錦屏雲起易成霞玉洞花明不知夕
星臺二妙逐王師阮禹軍書王粲詩日落猿聲連玉笛
晴來山翠傍旌旗綠蘿春月營門近知君對酒遙相思

送李大夫赴廣州

一賢間氣生麟趾鳳凰羽何意人之望未為王者輔出
鎮忽推才盛哉文且武南越寄維城雄雄擁一作推一作寄甲兵

鼓門通幕府天井入軍營厥俗多豪侈古來難致禮惟

君飲冰心可酌貪泉水忠臣感聖君徇義不邀勲龍鏡
逃山魅霜風破瘴雲征途凡幾轉魏闕如一作在眼向郡

終

當

方

海潮迎指鄉闕樹遠按節化甌閩下車佳政新應一作令
尉陀俗還作上皇人支離交俊哲弱冠至華髮晉許霄
漢期今嗟鵬鷁別圖南不可御惆悵守薄暮一作宵

送崔校書從軍

雁門太守能愛賢麟閣書生亦投筆寧惟玉劍報知已
更有龍韜佐師律別馬連嘶出御溝家人幾夜望刀頭

燕南春草傷心色
薊北黃雲滿眼愁
聞道輕生能擊虜

何嗟少壯不封侯

送張將軍征西

一作西征

長安少年唯好武
金殿承恩爭破虜
沙場烽火隔天山
鐵騎征西一作幾歲還
戰處黑雲霾瀚海
愁中明月度
陽關玉笛聲悲離
酌晚金方路極行人遠
計日霜戈盡
敵歸回首戎城空落暉
始笑子卿心計失
徒看海上節

旄稀

送修武元少府

寸祿榮色養此行寧歎惜自今一作矜黃綬采蘭時不厭

丹墀芳草色百戰荒城復井田幾家春樹帶人煙黎甿

久厭蓬飄苦遲爾西南惠月傳

送崔十三東遊

千里有同心十年一會面當盃緩箏柱倏忽催離宴丹
鳳城頭噪晚鴉行人馬首夕陽斜灞上春風留別袂闕
東新月宿誰家官柳依依兩鄉色誰能此別不相憶

送鄖三落第還鄉

郢客文章絕世稀，常嗟時命與心違。
十年失路誰知已，千里思親獨遠歸。
雲帆春水將何適，日愛東南暮山碧。
闕中新月對離尊，江上殘花待歸客。
名宦無媒自古遲，窮途此別不堪悲。
荷衣垂釣且安命，金馬招賢會有時。

送馬明府赴江陵

陶令南行心自永，江天極目澄秋景。
萬室遙方一作犬知，萬室遙方一作犬。
不鳴雙鳧下處人皆靜，清風高興得湖山。
門柳蕭條雙

翟一作閒
黃花滿把應相憶
落日登樓北望還

鶴

送畢侍御謫居

崇蘭香死玉簪折
志士吞聲甘徇節
忠蓋不為明主知
悲來莫向時人說
滄浪之水見心清
楚客辭天淚滿纓
百鳥喧喧噪一鶚
上林高枝亦難託
寧嗟人世棄虞翻
且喜江山得康樂
自憐黃綬老嬰身
妻子朝來勸隱淪
桃花洞裏舉家去
此別相思復幾春

送褚大落第東歸

離琴彈苦調美人慘向隅頃來荷策干明主還復扁舟
歸五湖漢家側席明駁久豈意遺賢在林藪玉堂金馬
隔青雲墨客儒生皆白首昨夢芳洲采白蘋歸期且喜
故園春稚子只思陶令至文君不厭馬卿貧劍中風月
久相憶池上舊遊應再得酒熟寧孤芳杜春詩成不枉
青山色念此那能不羨歸長楊一作上陽諫獵事皆違他日
東流一乘興知君為我掃荆扉

送傅管記赴蜀軍

終童之死誰繼出燕領儒生今俊逸主將早知鸚鵡賦
飛書許載蛟龍筆峨眉玉壘指霞標鳥沒天低幕府遙
巴山雨色藏征旆漢水猿聲咽短簫賜璧腰金應可料
才畧縱橫年且妙無人不重樂毅賢何敵能當魯連嘯
日暮黃雲千里昏壯心輕別不銷魂勸君用却龍泉劒
莫負平生國士恩

送張少府

愁雲破斜照別酌勸行子蓬驚馬首風雁拂天邊水寸

晷如三歲離心在萬里

行路難

君不見明星暎空月太陽朝升光盡歇君不見凋零委
路蓬長風飄舉入雲中由來人事何嘗定且莫驕奢笑
賤窮

盧龍塞行送韋掌記

雨雪紛紛黑山外行人共指盧龍塞萬里飛沙咽鼓鼙
三軍殺氣凝旌旆陳琳書記本翩翩料敵張兵奪酒泉

聖主好文兼好武封侯莫比漢皇年

效古秋夜長

秋漢飛玉霜北風掃荷香含情紡織孤燈盡拭淚相思
寒漏長簷前碧雲靜如水月弔棲鳥啼鳥起誰家少婦
事鴛機錦幕雲屏深掩扉白玉窗中聞落葉應憐寒女
獨無衣

卧病李員外題扉而去

僻陋病者居蒿萊行逕失誰知簪綬貴能問幽憂疾珂

聲未駐門蘭氣先入室沈疴不冠帶安得候蓬草清揚
一作青陽去莫尋離念頃來侵雀棲高窗靜日出修桐陰枕
上憶君子悄悄唯苦心

酬王維春夜竹亭贈別

山月隨客來主人興不淺今宵竹林下誰覺花源遠惆
悵曙一作曉鶯啼孤雲還絕巘

山中寄時校書

蓬萊紫氣一作之子溫如玉惟予知爾陽春曲別來幾日芳

蓀綠百花酒滿一作不見君青山一望心一作斷續

滿眼

送李四擢第歸覲省

當年貴得意文字各爭名齊唱陽春曲唯君金玉聲懸
黎寶中出高價世難掩鴻羽不低飛龍津徒自險直矜
鸚鵡賦不貴芳桂枝少後蔡邕許長鳴唐舉知梁城下
熊軒朱戟何暭耀才子欲歸寧棠花已含笑高門知慶
大子孝覺親榮獨攬還珠美寧唯問絹情離筵不盡醉
摻操一作袂一何早馬蹄西別輕樹色東看好行塵忽不

見惆悵青門道

過曹鈞隱居一作者

荃蕙有奇性馨香道為人不居衆芳下寧老空林春之
子秉高節攻文還守真素書寸陰盡流水怨情一作新聲

濟濟振纓客煙霄各致身誰當舉玄晏不使作良臣

哭曹鈞

苦節推白首憐君負此生忠蓋名空在一作家立家貧道不行朝來相憶訪蓬草只謂淵明猶卧疾忽見江南弔鶴

來始知天上文星失嘗恨知音千古稀那堪夫子九泉

歸一聲隣笛殘陽裏醉酒空臺淚滿衣

東陽郡齋中詣南山招韋十

一作東陽
郡齋書事

霽來海半一作畔山隱暎城上一作中起中峰落照時殘雪

翠微裏同心久為別孤興那對此良會何遲遲清揚一作
陽瞻則邇

清一作泥驛迎獻王侍御

候館掃清晝使車出明光森森入郭樹一道引飛霜仰

視驄花白多慚綬色黃鶴鶴無羽翼願假憲鳥翔

沐陽古渡作

日落問津處雲霞殘碧空牧牛避田燒退鷁隨潮風廻
首故鄉遠臨流此路窮翩翩青冥去羨彼高飛鴻

卧疾答劉道士

白露蟬一作蟲一絲急空林日淒清寥寥晝扉掩獨卧

秋窗明寶字比仙藥羽人寄柴荆長吟想風馭悅若升

蓬瀛

夢尋西山準上人

別處秋泉聲至今猶在耳何嘗夢魂去不見雪山字新
月隔林時千峯燈一作翠微裏言忘心更寂跡滅雲自起
覺來纓上塵如洗功德水

長安旅宿

九秋旅夜長萬感何時歇蕙花漸寒暮心事猶楚越直
躬遭世道咫步隔天闕每聞長樂鐘載泣靈臺月明旦
北門外歸途堪白髮

過桐柏山

秋風過楚山山靜秋聲晚賞心無定極僂步亦清遠返
照雲竇空寒流石苔淺羽人昔已去靈跡欣方踐投策
謝歸途世緣從此遣

李士曹廳對雨

春雨暗重城訟庭深更寂終朝人吏少滿院烟雲集一
積濕鳥壓花枝新苔宜砌石據曹富文史清興對詞客
愛爾蕙蘭叢芳香飽時澤

登勝果寺南樓雨中望嚴協律

微雨侵晚陽連山半藏碧林端陟香榭雲外遲來客
孤村凝片煙去水生遠白但佳川原趣不覺城池夕更喜
眼中人清光漸咫尺

冬夜題旅館

退飛憶林藪樂業羨黎庶四海盡窮途一枝無宿處嚴
冬北風急中夜哀鴻去孤燭思何深寒窗坐難曙勞歌
待明發惆悵盈百慮

自終南山晚歸

采苓日往還得性非樵隱白水到初濶青山辭尚近絕
境勝無倪歸途興不盡沮溺時返顧牛羊自相引逍遙
不外求塵慮從茲泯

早渡伊川見舊隣作

鵠鷄鳴早霜秋水寒旅涉漁人昔隣舍相見具舟楫出
浦興未盡向山心更悵村落通白雲茅茨隱紅葉東臯
滿時稼歸客欣復業

夕發箭場巖下作

行役不遑安在幽機轉發山谷無明晦溪霞自興沒朝
櫛杉下風夕飲石上月懿爾青雲士垂纓朝鳳闕寧知
採竹人每食慚薇蕨

同李五夕次香山精舍訪憲上人

彼岸聞山鐘仙舟過若水松門入幽暝石逕趨迤逦初
月開草堂遠公方覩止忘言在閒夜凝念得微理泠泠
功德池相與滌心耳

雨中望海上懷欝林觀中道侶

山觀海頭雨懸沫動煙樹只疑蒼茫裏欝島欲飛去大塊怒天吳驚潮蕩雲路羣真儼盈想一葦不可渡惆悵赤城期願假輕鴻馭

廣德初鑾駕出闕後登高愁望二首

長安不可望望處邊愁起輦轂混戎夷山河空表裏黃雲壓城闕斜照移烽壘漢幟遠成霞胡馬來如蟻不知涿鹿戰早晚蚩尤死渴日候河清沈憂催暮齒

愁看秦川色慘慘雲景晦乾坤暫運行品物遺覆載黃
塵漲戎馬紫氣隨龍旆掩泣指關東日月妖氛外臣心
寄遠水朝海去如帶周德更休明天衢佞性開泰

獨往覆釜山寄郎士元

賞心無遠近芳月好登望勝事引幽人山下復山上將
尋洞中藥復愛湖外嶂古壁苔入雲陰溪樹穿浪誰言
世緣絕更惜知音曠鶯啼綠蘿春迴首還一作遠惆悵

送王季友赴洪州幕下

列郡皆用武南征所從誰諸侯重才略見子如瓊枝撫
劔感知已出門方遠辭煙波帶幕府海日生紅旗問我
何功德負恩畱玉墀銷魂把別袂媿爾酬明時

客舍贈鄭貢

結交意不薄匪席言莫違世義隨波久人生知已稀先
鳴誓相連未遇還相依一望金門詔三看黃鳥飛暝投
同旅食朝出易儒衣嵇向林廬接携手行將歸

山中春仲寄汝上王恒穎川沈冲一作中

隱者守恬泊春山日深淨誰知蟠木材得性無人境座
隅泉出洞竹上雲起嶺飢狹入山厨飲虹過藥井前溪
堪放逸仲月好風景遊目來遠思摘芳寄汝頰

南中春意

一作思

入仕無知言遊方隨世道平生願開濟遇物干懷抱已
阻青雲期甘同散擣老客遊南海曲坐見韶陽蚤舊國
別佳人他鄉思芳草惜無鴻鵠翅安得凌蒼昊

東陵藥堂寄張道士

木落蒼山空當軒
秋水色清旦振衣坐
永吟意何極願言金丹壽
一假鸞鳳翼日夕開真經
言忘心更默玄都有仙子採藥早相識
煙霞一作路難再期
焚香空歎息

苦雨憶皇甫冉

涼雨閑巷深窮居成習
靜獨吟愁霖雨更使秋思永
疲痾苦昏塾日夕開軒屏
草木森已悲衾幬清且冷
如何遊宦客江海隨泛梗
延首長相思憂襟孰能整

寄任山人

天階宗黼黻世路有趨競獨抱中孚文誰知苦寒詠行
潦難朝海散材空遇聖豈無鳴鳳時其如問津命所思
青山郭再夢綠蘿逕林泉春可遊羨爾得其性

登秦嶺半巖遇雨

屏翳忽騰氣浮陽慘無暉千峰挂飛雨

一作瀑

百尺搖翠

微震電

一作霓

閃雲逕奔流翻石礫倚巖假松蓋臨水羨

荷衣不得采苓去空思乘月歸且憐東臯上水

一作委

色

侵荆扉

杪秋南山西峰題準上人蘭若

向山看霧色步步豁幽性返照亂流明寒空千嶂淨石
門有餘好霞殘月欲映上諸遠公廬孤峰懸一逕雲裏
隔窗火松下聞一作聞下山客到兩忘言緩心與禪定

田園雨後贈鄰人

安排常任性偃卧晚開戶樵客荷蓑歸向來春山雨殘
雲虹未落返景霞初吐時鳥鳴村墟新泉遶林圃竟年
尚恬泊隣里成太古室邇人遂遙相思怨芳杜

天門谷題孫逸人石壁

崖石一作亂流處竹深斜照歸主人卧磻石心耳滌清
暉春雷近作解空谷半芳菲雲棟綠虹宿藥圃蝴蝶飛
惡罿慕嘉遯幾夜瞻少微相見竟何說忘情同息機

藍溪休沐寄趙八給事

蟲鳴歸舊里田野秋農閑即事敷夙尚衡門方再闔夕
陽入東籬寒氣高前山霜蕙後時老巢禽知暝還侍臣
黃樞寵鳴玉青雲間肯想觀魚處寒泉照鬢斑

遊輞川至南山寄谷口王十六

山色不厭遠我行隨處一作趣深蹟幽青蘿逕思絕孤霞
岑獨鶴引過浦鳴猿呼入林褰裳百泉裏一步一清心
王子在何處隔雲雞犬音折麻定延佇乘月期招尋

藍田溪與漁者宿

獨遊屢忘歸况此隱淪處濯髮清泠泉月明不能去更
憐垂綸叟靜若沙上鷺一論白雲心千里滄洲一作浪一作趣
蘆中夜火盡浦口秋山曙歎息分枝禽何時更相遇

淮上別范大

悲風隕涼葉送歸怨南楚窮年將別離寸晷申宴語長
淮流不盡征櫂忽復舉碧落半愁雲黃鶴時顧侷遊宦
且未達前途各修阻分袂一相嗟良辰更何許

離居夜雨奉寄李京兆

永夜不可度蛩吟秋雨滴寂寞想章臺始歎雲泥隔雷
聲匪君車猶時過我廬電影非君燭猶能明我目如何
瓊樹枝夢裏看不足望望佳期阻愁生寒草綠

歎畢少府以持法無隱見繫

用法本禁邪盡心翻自極畢公在囹圄世事何糺繩翠
鳳呈其瑞虞羅寄鍛翼囚中千念時窗外百花色落景
閉園扉春蟲網叢棘古人不念文紛淚莫霑臆

小園招隱

支離鮮兄弟形影如手足但遂飲冰節甘辭代耕祿斑
衣在林巷始覺無羈束交柯低戶陰閒鳥將雛宿窮通
世情阻日夜苔徑綠誰言北郭貧能分晏嬰粟

過溫逸人舊居

返真難合道懷舊仍無弔浮俗漸澆淳斯人誰繼妙聲
容在心耳寧覺阻言笑玄堂閑幾春拱木齊雲嶠鶴傳
居若一作士舞緩得蘇門嘯醉酒片陽微空山想埋照

縣內水亭晨興聽訟

晨光起宿露池上判黎甿借問秋泉色何如拙宦情磨
鉛辱利用策蹇愁前程昨夜明月滿中心如鵠驚負恩
時易失多病績難成坐惜寒塘晚霜風吹杜蘅

海畔秋思

匡濟難道合去留隨興牽偶為謝客事不顧平子田魏
闕賁翹楚此身長棄捐箕裘空在念咄咄一作拙訛誰推賢
無用即明代養痾仍壯年日夕望佳期帝鄉路幾千秋
風晨夜起零落愁芳荃

太子李舍人城東別業

一作李祭酒別業俯視川林前帶雷岫

南山轉羣木昏曉擁山翠小澤通龍居清蒼常雨氣君
家北原一作源上千金買勝事丹闕退朝廻白雲迎賞至

新晴村落外處處煙景異片水明斷岸一作崖餘霞入古

寺東臯指歸翼目盡有餘意

谷口新居寄同省朋故

種黍傍煙溪榛蕪兼沮洳亦知生計薄所貴隐身處橡

栗石上村一作林

莓苔水中路蕭然授衣日得此還山趣

汲井愛秋泉結茅因古樹閒雲與幽鳥對我不能去寄

謝鴛鷺羣狎鷗拙所慕

京兆尹廳前甘棠樹降甘露

內史用堯意理京宣惠慈氣和祥則降孰謂天難知
濟旱露為兆有如墳應篪豈無夭桃樹灑此甘棠枝玉
色與人淨珠光臨筆垂協風與之俱物性皆熙熙何必
鳳池上方看作霖時

秋夜作

萬計各無成寸心日悠漫浮生竟何窮巧歷不能算流
落四海間辛勤百年半商歌向秋月哀韻兼浩歎寤寐
怨佳期美人隔霄漢寒雲度窮水別業遠垂幔窗中問

談雞長夜何時旦

觀村人牧山田

六府且未盈三農爭務作貧民之井稅墻土皆墾鑿禾
黍入寒雲茫茫半山郭秋來積霖雨霜降方銓穫中田
聚黎甿反景空村落顧慚不耕者微祿同衛鶴庶追周
任言敢負謝生諾

襄侍郎湘川以青竹筒相遺因而贈之

楚竹青玉潤從來湘水陰緘書取直節君子知虛心入

用隨憲簡積文不受金體將丹鳳直色映秋霜深寧宵
假伶倫謬為龍鳳吟唯將翰院一作苑客皆一作惜秘瑤華
音長跪捧嘉貺歲寒慚所欽

東城初陷與薛員外王補闕暝投南山佛寺

日昃石門裏松聲山寺寒香雲空靜影定水無驚湍洗
足解塵纓忽覺天形一作影寬清鐘揚虛谷微月深重巒
噫我朝露世翻浮一作與波一作瀾行運遘憂患何緣
親盤桓庶將鏡中象盡作無生觀

奉和張荊州巡農晚望

太清霽雲雷陽春陶物象明牧行春令仁風助昇長時
和俗勤業播殖農厥壤陰陰桑陌連漠漠水田廣郡中
忽無事方外還獨往日暮駐歸軒湖山有佳賞宣城傳
逸韻千載誰此響

送包何東遊

水國嘗獨往送君還念茲湖山遠近色昏旦煙霞時子
好謝公跡常吟孤嶼詩果乘扁舟去若與白鷗期野趣

及春好客遊欣此辭入雲投館僻采碧過帆遲江上日
迴首琴中勞別思春鴻刷歸翼一寄杜蘅枝

酬陶六辭秩歸舊居見東

靖節昔高尚令孫嗣清徽舊廬雲峰下獻歲車騎歸去
俗因解綬憶山得採薇田疇春事起里巷相尋稀淵明
醉乘興閒門祇掩扉花禽驚曙月隣女上鳴機卑娶願
已果養恬志寧違吾當挂朝服同爾緝荷衣

奉使採箭筈竹谷中晨興赴嶺

孤客倦夜坐聞猿乘早發背溪已斜漢登棧尚殘月重
峰轉森爽幽步更超越雲木聳鶴巢風蘿掃虎穴人羣
徒自遠世役終難歇入山非買山采竹異采蕨誰見子
牟意悄勞書魏闕

同嚴逸人東溪泛舟

子陵江海心高跡此閒放漁舟在溪水曾是數夙尚朝
霽收雲物垂綸獨清曠寒花古岸傍唳鶴晴沙上紛吾
好貞逸不遠來相訪已接方外遊仍陪郢中唱歡言盡

佳酌高興延秋望日暮浩歌還紅霞亂青嶂

過沈氏山居

雞鳴孤煙起靜者能卜築喬木出雲心閒門掩山腹貧
交喜相見把臂歡不足空林留宴言永日清耳目泉聲
冷尊俎荷氣香童僕往往仙犬鳴樵人度深竹酒酣出
谷口世網何羈束始願今不從區區折腰祿

贈柏巖老人

日與麋鹿羣賢哉買山叟龐眉忽相見避世一何久林

栖古崖曲野事佳春後瓠葉覆荆扉栗苞垂甕牖獨歌
還獨酌不耕亦不耦甃田隔雲溪多雨長稂莠煙霞得
情性身世同芻狗寄謝營道人天真此翁有

送薛判官赴蜀

橫笛吹一作聲轉悲羽觴酣欲別舉目叩闌遠離心不可

說邊陲勞帝念日下降才傑路極巴水長天銜劒峰缺
單車動夙夜越境正炎節星橋過客稀火井蒸雲熱陰
符能制勝千里在坐決始見儒者雄長纓繫餘孽

詔許昌崔明府拜補闕

儒者久營道詔書方問賢至精一耀世高步誰同年何
樹可棲鳳高梧枝拂天脫身鳬鳥裏載筆虎闈前日月
傳軒后衣冠真列仙則知驪龍珠不祕清泠泉才子貴
難見郢歌空復傳惜哉效顰客心想一作賞勞蟬娟

仲春晚尋覆釜山

蝴蝶弄和風飛花不知晚王孫尋芳草步赤忘路遠況
我愛青山涉趣皆遊踐縈廻必中路陰晦陽復顯古岸

生新泉霞峰映雪巘交枝花色異奇石雲根淺碧洞忘歸紫芝行可塞應嗤嵇叔夜林卧方沈酒

贈東隣鄭少府

一聞白雪唱願見清揚久誰謂結綬來得陪趨府後小邑藍溪上卑棲愜所偶忘言復連牆片月亦携手草色同春逕鶯聲共高柳美景百花時平生一盃一作盞酒聖朝法天地以我為芻狗秩滿歸白雲期君訪谷口

謝張法曹萬頃小山暇假一作景見憶

樂道隨去處養和解朝簪茅堂近丹闕佳致亦一作何
深退食不趨府忘機還在林清風亂流上永日小山陰
解籜雨中竹將雛花際禽物華對幽寂弦酌兼咏吟自
昔仰高步及茲勞所欽郢歌叨繼組知已復知音

罷章陵令山居過中峰道者二首

寧辭園令秩不改淵明調解印無與言見山始一笑幽
人還絕境誰道苦奔峭隨雲剝渡溪出門更垂釣吾廬
青霞裏窗樹玄猿嘯微月清風來方知散髮妙

丘壑趣如此暮年始棲偃賴遇無心雲不笑歸來晚鳴
鳩拂紅枝初服傍清猷昨日山僧來猶嫌嘉遯淺託君
紫陽家路滅心更遠梯雲創其居抱犢上絕巘杏田溪
一曲霞境一作逕峰巒轉路一作跂石挂飛泉謝公應在眼
願言携手去採藥長不返

登覆釜山遇道人二首

晨策趣無涯名山深轉秀三休變覆景萬轉迷宇宙攀
崖到天窗入洞窮玉溜側逕蹲怪石飛蘿擲驚狹花間

鍊藥人雞犬和乳竇散髮便迎客采芝仍滿袖郭璞賦
遊仙始願今可就

真氣重嶂裏知君嘉遯幽山階壓丹穴藥井通洑一作伏

流道者帶經出洞中携我遊欲驂白蜺去且為紫芝留
忽憶武陵事別家疑數秋

尋華山雲臺觀道士

秋日西山明勝趣引孤策桃源數曲盡洞口兩岸坼還
從罔象來忽得仙靈宅霓裳誰之子霞酌能止客殘陽

在翠微携手更登歷林一作行拂煙雨溪望亂金碧飛

鳥下天窗裏松際雲壁稍尋玄蹤遠宛入寥天寂願言

葛仙翁終年鍊玉液

海上卧病寄王臨

離客窮海陰蕭辰歸思結一隨浮雲滯羨黃鵠別妙
年即沈疴生事多所闕劖中負明義枕上惜玄髮之子
良史才華簪偶時哲相思千里道愁望飛鳥絕歲暮冰
雪一作霜寒淮湖不可越百年去心慮孤影守薄劣獨餘

慕侶情金石無休歇

登玉山諸峯偶至悟真寺

郭南雲水佳訟簡野情發紫芝每相引黃綬不能縕稍

入石門幽始知靈境絕冥搜未寸晷仙逕俄九折蟠木

蓋石梁崩岸

一作崖

露雲穴數峰拔崑崙

一作嶠

秀色與空澈

徹

一作玉氣交晴虹桂花留曙月半巖採珉者一點如片

雪真賞無前程奇觀寧暫輟更聞東林磬可聽不可說

興中尋覺化寂爾諸象滅

長安客舍贈李行父明府

藏器待一作偶時少知人自古難遂令丹穴鳳晚食金琅

玕誰謂兵戈際鳴琴方一彈理煩善用簡濟猛能兼寬

夙夜念黎庶寢興非宴安洪波未靜壑何樹不驚鸞亮

鳥傍京輦毗心懸灌壘高槐暗苦雨長劒生秋寒旅食

還為時一作客餓年亦盡歡親勞携斗水往往救泥蟠但

恐酬明義蹉跎芳歲闌

美楊侍御清文見示

伯牙道喪來弦絕無人續誰知絕唱後更有難和曲層
峰與清流逸勢競奔蹙清文不出戶彷彿皆在目霧雪
看滿懷蘭荃坐盈掬孤光碧潭月一片崑崙玉初見歌
陽春韶光變枯木再見吟白雪便覺雲肅肅則知造化
源方寸能展縮斯文不易遇清爽心豈足願言書諸紳
可以為佩服

山居新種花藥與道士同遊賦詩

自樂魚鳥性寧求農牧資淺深愛巖壑疏鑿盡幽奇雨

花相助好鶯鳴春草時種蘭入山翠引葛上花枝風露
折紅紫緣溪復映池新泉香杜若片石引一作隱江離宛

謂武陵洞潛應造化移杖策携煙客滿袖掇芳蕤蝴蝶
舞留我仙雞閒傍籬但令黃精熟不慮韶光遲笑指雲
蘿逕樵人那得知

初黃綬赴藍田縣作

蟠木無近伯終年棄山樊苦心非良知安得入君門忽
忝英達顧寧窺造化恩螢光起腐草雲翼騰沈鯤一作鷗

片石世何用良工心所存一叨尉京甸三省慚黎元賢

尹正趨府僕夫儼歸軒眼中縣胥色耳裏蒼生言居人

散山水即景

一作境

真桃源庶聚入田逕雞鳴隔嶺村食

和俗久清

一作靜

到邑政空論且嘉訟庭寂前階滿芳蓀

歸義寺題震上人壁

寺即神堯皇帝讀書之所龍飛後創為精舍

入谷逢雨花香綠引幽步招提饒泉石萬轉同一趣向

背森碧峰淺深羅古樹堯皇未登極此地曾隱霧祕識

得神謀因高思虎踞太陽忽臨照物象俄光煦梵王宮

始開長者金先布白水入禪境碣山通覺路往往無心
雲猶起潛龍處仍聞七祖後佛子繼調御溪鳥投慧燈
山蟬飽甘露不作解纓客寧知捨筏喻身世已悟空歸
途復獨一作何去

御定全唐詩卷二百三十六



總校官庶吉士臣張能照
校對官檢討臣王鍾健
謄錄監生臣王心仁

欽定四庫全書叢要

集部

御定全唐詩卷二百三十八

詳校官候補通督經歷臣郭祚熾

欽定四庫全書
欽定全唐詩要卷一萬七千六百四十二

集部

御定全唐詩卷二百三十七

錢起

奉和聖製登會昌山應制

一作趙
起詩

睿想入希夷真遊到具茨玉鑾登嶂遠雲輶出花遲泉
壑凝神處陽和布澤時六龍多順動四海正雍熙

省中對雪寄元判官拾遺昆季

一作寄謝
舍人昆季

萬點瑤臺雪飛來錦帳前瓊枝應比淨鶴髮敢爭先

一作

妍散影成花月流光透竹煙今朝謝家興叢處郢歌傳

山齋獨坐喜玄上人夕至一作見訪

舍下虎溪徑煙霞入暝開柴門兼竹靜山月與僧來心

瑩紅蓮一作蓮花水言忘綠茗盃前峰曙更好一作斜漢欲

西迴

秋夜寄張韋二主簿

涼夜褰簾好輕雲

一作風

過月初碧空河色

一作漢

淺紅一作作

松葉露一作落

聲虛道阻隔

一作

天難問機忘世易一作久

疎不知雙翠鳳棲棘復何如

歸故山路逢隣居隱者

握手雲棲路潛然恨幾重誰知綠林盜長占彩霞峰心
死池塘草聲悲石徑松無因芳杜月琴酒更相逢

落第劉拾遺相送東歸

不醉百花酒傷心千里歸獨收和氏玉還採舊山薇出
處離心盡榮枯會面稀預愁芳草色一徑入衡闈

和劉七讀書

夜雨深館靜苦心黃卷前雲陰留墨沼螢影傍華編夢
鳥富清藻通經仍妙年何愁丹穴鳳不飲玉池泉

早下江寧

暮天微雨散涼吹片帆輕雲物高秋節山川孤客情霜
蘋留楚水寒雁別吳城宿浦有歸夢愁猿莫夜鳴

登復州南樓

孤樹延春日一作色他山捲曙霞客心湖上雁歸思日邊
花行李迷方久歸期涉歲賒故人雲路隔何處寄瑤華

江陵晦日陪諸官泛舟

節物堪為樂江湖有主人舟行深更好山趣久彌新尊酒平生意烟花異國春城南無夜月長袖莫留賓

縣城秋夕

山城日易夕愁生

一作坐

先掩扉俸薄不沽酒家貧忘授

衣露重蕙花落月冷莎鷄飛効拙慚無補雲林歎再歸

秋夜梁七兵曹同宿二首

一笑不可得同心相見稀摘菱頻貰酒待月未扃扉星

影低驚鵠蟲聲傍旅衣卑樓歲已晚共羨鴈南飛

好欲飲一作食

棄吾一作真

道今宵又遇君老夫相勸酒稚子

待題文月下誰家笛城頭幾片雲如何此幽興明日重

離羣

和萬年成少府寓直

赤縣新秋夜文人藻思催鐘聲自仙掖月色近霜臺一
葉兼螢度孤雲帶鴈來明朝紫書下應問長卿才

春夜過長孫繹別業

佳期難再得清夜此雲林帶竹新泉冷穿花片月深含
毫凝逸思酌水話幽心不覺星河轉山枝驚曙禽

題溫處士山居

誰知白雲外一作裏別有綠蘿春苔繞溪邊徑花深一作侵
洞裏人逸妻看種藥稚子伴垂綸頰上逃堯者何如此

養真

題陳季壁

郢人何苦調飲水仍布衾煙火晝不起蓬蒿春欲深前

庭少喬木隣舍聞新禽雖有徵賢詔終傷不遇心

贈隣居齊六司倉

沈冥衆所遺咫尺絕佳期始覺衡門下翛然太古時一

姿雞聲共隣村一作卷燭影隔茅茨坐惜牛羊徑芳蓀白

露滋

送征鴈

秋空萬里淨

一作靜嘹唳獨

一作雁

南征風急

一作凌

翻霜冷

雲開見月驚

塞長怯

一作憐

去翼影滅有餘聲悵望遙天

外鄉愁滿目生

宴齋林觀張道士房

滅跡人間世忘歸象外情竹壇秋月冷山殿夜鐘清仙
侶披雲集霞盃達曙傾同歡不可再朝暮赤龍迎

秋夕與梁鍾文宴

客到衡門

一作下林

一作

香蕙草

一作

時好風能自至

芳蕙

時好風能自至

明月不湏期秋日

一作月翻荷影晴光

一作水翻荷影晴光

霜

脆柳枝

一作

綠留歡美清夜寧覺曉鐘遲

一作微官是底

物許日廢言詩

哭空寂寺玄上人

一作少林寺
哭暉上人

悽然雙樹下垂淚遠公房燈續生前火爐添後香陰

皆明片雪

一作古松
韻舊榻

寒竹響空廊寂滅應為樂塵心徒

自傷

題精舍寺

勝景不易遇入門神頓清房房占山色處處分泉聲詩
思竹間得道心松下生何時來此地擺落世間情

開元觀遇張侍御

碧落忘歸處佳期不厭逢晚涼生玉井新暑避煙松欲醉流霞酌還醒度竹鐘更憐琪樹下歷歷見遙峰

和人秋歸終南山別業

舊居三顧後晚節重幽尋野逕到門盡山窗連竹陰昔年鶯出谷今日鳳歸林物外凌雲操誰能繼此心

故相國苗公挽歌

灞一作陵誰寵葬漢主念蕭何盛業留青史浮榮逐逝波隴雲仍作雨薤露已成歌悽愴平津閣秋風弔客過

酬劉員外雨中見寄

苦雨滴蘭砌秋淒一作風生葛衣漬污三逕絕磯杵四隣

淒

作

稀分與玄豹隱不為湘燕飛慚君角巾折猶肯問衡闈

賦得歸雲送李山

一作友

人歸華山

秀色橫千里歸雲積幾重欲依毛女岫初卷少姨峰蓋
影隨征馬衣香拂卧龍祇應函谷上真氣日溶溶

過襄長官新亭

茅屋多新意芳林昨試移野人知石路戲鳥認花枝慢

漫一作水縈蓬戶間雲挂竹籬到家一作成一醉歸馬不來

能騎

寄郢州郎士元使君

龍節知無事江城不掩扉詩傳過客遠書到一作別故人

別

故人

稀坐嘯看潮起行春送雁歸望舒三五夜思盡謝玄暉

過長孫宅與朗上人茶會

偶與息心侶忘歸才子家玄談兼藻思綠茗代榴花
幘看雲卷含毫任景斜松喬若逢此不復醉流霞

下第題長安客舍

不逐青雲望愁看黃鳥飛梨花度寒食客子未春衣世
事隨時變交情與我違空餘主人柳相見却依依

陪考功王一作韋員外城東池亭宴

無雙錦帳郎絕境一作景有林一作池塘鶴靜疎羣羽蓮開

失衆芳晴一作青山看不厭流水趣何長日晚催歸騎鐘

聲下一作促夕陽

過孫員外藍田山居

不知香署客謝病翠微間去幄蘭將老辭車雉亦閒近
窗雲出洞當戶竹連山對酒溪霞晚家人採蕨還

秋園晚沐

黃卷在窮巷歸來生道心五株衰柳下三徑小園深倒
薤翻成字寒花不假林龐簪謝羣彥獨酌且閒吟

窮秋對雨

晦日連苦雨動息更遭迺生事萍無定愁心雲不開瞿
門悲暝雀墨竈上寒苔始信宣城守乘流畏曝腮

襄廸南門秋夜對月

一作襄廸書
齋院月之作

夜來詩酒興

一作意

月滿

一作獨上

謝公樓

影閑重門

靜寒生

獨樹秋鵠

一作鶩

隨葉散螢

遠入煙流

今夕遙天末

清

光一作幾處愁

暉

和蜀縣段明府秋城望歸期

製錦蜀江靜飛鳥漢闢遙一茲風靡草再視露盈條旅
望多愁思秋天更次寥河陽傳麗藻清韻入歌謠

晚歸藍田酬王維給事

一作中書常舍人

贈別

卑棲却得性每與白雲歸徇祿仍懷橘看山免採薇一
別山如昨日春露已霑衣采蕨頻盈手看花空厭歸漢時回首知音青瑣闈

再得卑侍御書聞巴中卧病一作疾

芳信來相續同心遠更親數重雲外樹不隔眼中人夢寐花驄色相思黃鳥一作蕙春更聞公幹病一夜二毛新

宿新里館

愁人待曉雞秋雨暗淒淒度燭螢時滅傳書雁漸低客

來知計誤夢裏泣津迷無以逃悲思寒蟹處處啼一本十

句從迷字下云每食皆彈鋏歸山
耐杖藜叔牙先得路何日救沈泥

谷口書齋寄楊補闕

泉壑帶茅茨雲霞生薜帷竹憐新雨後山愛夕陽時閒
鶩棲常早秋花落更遲家童掃蘿逕昨與故人期

衡門春夜

不厭晴林下微風度葛巾寧唯北窗月

一作客

自謂上皇

人叢篠輕新暑孤花占晚春寄言莊叟蝶與爾得天真

題吳通微主人

食貧無盡日

一作不知
青雲器

有一作良

願幾時諧長嘯秋光晚

誰知志士懷朝煙不起竈寒葉欲連皆飲水仍留我孤

燈點

一作吟
詩靜夜齋

晚次宿預館

鄉心不可問秋氣又相逢飄泊方千里離悲復幾重迴
雲隨去雁寒露滴鳴蛩延頸遙天末如聞故國鐘

藍上茅茨期王維補闕

山中人不見雲去夕陽過淺瀨寒魚少叢蘭秋蝶多老
年疏世事幽性樂天和酒熟思才子溪頭望玉珂

春宵一作夜 寓直

養拙性一作慣雲卧為郎如鳥棲不知仙閣峻惟覺玉繩
低帳喜香煙暖詩慚賜筆題未央春漏促殘夢謝一作
訝

晨雞

新昌里言懷

性拙偶從宦心閒多掩扉雖看北堂草不忘舊山薇花

月霽來好雲泉堪夢歸如何建章漏催著早朝衣

秋夜

一作晚秋

寄袁

一作王

中丞王

一作袁

員外

一夕盈千念方知別者勞衰榮難會面魂夢暫同袍片

月臨堦

一作城

早晴河度鴈高應憐蔣生逕秋露滿蓬蒿

九日閒居寄登高數子

初服棲窮巷重陽憶舊遊門閒謝病日心醉授衣秋酒

盡寒花笑庭空暝雀愁今朝落帽客幾處管弦留

晚入宣城界

一作江晚行

斜日片帆陰春風孤客心山來指樵路一作火岸去惜花

林海氣蒸雲黑潮聲隔雨深鄉愁不可道浦宿聽猿一作

草色晚鶯吟

靜夜酬通上人問疾

東林生早涼高枕遠公房大士看心後中宵清一作滴漏

長驚蟬出暗柳微月隱迴廊何事沈疴久含毫問藥王

奉陪使君十四叔晚憩大雲門寺

野寺千家外閒行晚暫過炎氛臨水盡夕照傍林多境

對知心妄人安覺政和絳牀搖塵尾佳趣滿滄波

省中春暮酬嵩陽焦道士見招

一作中書省言懷因酬嵩陽張

道士見寄

朝花飛暝林對酒傷春心流年催素髮不覺映華簪垂

老遇知己

一作酬恩看寸陰如何紫芝

一作多

客相憶

慙紫陽

白雲深

酬苗發員外宿龍池寺見寄

寧知待漏客清夜此從容

一作在雲松

暫別迎車雉還隨護

法龍香煙輕上月林嶺

一作靜

鶯聞鐘郢曲傳甘露塵心

洗幾重

貞懿皇后挽詞

淑麗詩傳美徽章禮飾

一作節

哀有恩加象服無日祀高

襍曉月孤秋殿寒山出夜臺通靈深眷想青鳥獨飛來

歲初歸舊山

一本題下有

酬寄皇甫侍御六字

又作獻歲初歸舊居酬皇甫侍御

見

欲知愚谷好久別與春還鶯暖初歸樹雲晴却戀山石

田耕種少野客性

一作舊

情閒求仲應難見殘陽且掩關

鑾駕避狄歲寄別韓雲卿

白髮壯心死愁者國步移闕山

一作河

慘無色親愛忽驚

離影絕龍分劖聲哀鳥戀枝茫茫雲海外相憶不相知

詠白油帽送客

薄質慚加首愁

一作微

陰幸庇身卷舒無定日行止必依

人已沐脂膏惠寧辭雨露頻雖同客衣色不染洛陽塵

藍上採石芥寄前李明府

淵明遺愛處山芥綠芳初翫此春陰色猶滋夜雨餘隔
溪煙葉小覆石雪花舒采采還相贈瑤華信不如

送賀法師往上海

遠近化人天王城指日邊宰君迎說法童子伴隨緣到
處花為雨行時杖出泉今宵松月下門閑想安禪

送沈少府還江寧

遠宦碧雲外此行佳興牽湖山入間井鷗鳥傍神仙斜
日背鄉樹春潮迎客船江樓新詠一作興發應與政聲傳

送虞說擢第東遊

湖山不可厭東望有餘情片玉登科後孤舟任興行月中嚴子瀨花際楚王城歲暮雲臯鶴聞天更一鳴

送少微師西行

一作送僧
自吳遊蜀

隨緣忽西去何日返東林世路寧嗟一作無期別空門久息
一作不住心人煙一飯少山雪獨行深天外猿啼處誰聞清

梵音

送崑山孫少府

徇祿近滄海乘流看碧霄誰知仙吏去宛與世塵遙遠
帆背歸鳥孤舟抵一作低上潮懸知訟庭靜窗竹日蕭蕭

送屈突司馬充安西書記

制勝三軍勁澄清萬里餘星飛龍統驥箭發魯連書海
月低雲旆江霞入錦車遙知大阿劖計日斬鯨魚

送時遲避難適荆南

三歎把離袂七哀深我情雲天愁遠別豺虎擁前程駐
馬戀携手隔河聞哭聲相思暮若夢淚眼幾時明

送邊補闈東歸一本無此二字
觀覲省

東去有餘意一作景春風生賜一作風生賜錦衣鳳凰銜詔下才

子采蘭歸斟酒百花裏情人一作人情一笑稀別離湏計日

相望在形闊

送彈琴李長史往一作赴洪州

抱琴為傲吏孤棹復南行幾度一作處秋江水皆添

白雪聲佳期來客夢幽思一作興緩王程佐牧無勞問心

和政自平

送宋徵君讓官還山

至人無滯跡謁帝復思玄魏闌辭花綬春山有杏田紫
霞開別酒一作酌黃鶴舞離弦今夜思君夢遙遙入洞天

送陳供奉恩勅放歸覲省

得意今如此清光不可攀臣心堯日下鄉思楚雲間楊
柳依歸棹芙蓉樓舊山采蘭魚衣錦何似買臣還

送外甥范勉赴任常州長史兼覲省

憐君展驥去能解倚門愁就養仍榮祿還鄉即畫遊橘

花低客舍尊茶繞歸舟與報垂綸叟知吾世網留

隴右送韋三還京

春風起東道握手望京闕柳色從鄉至鶯聲送客還嘶
驂顧近驛歸路出他山舉目情難盡羈離失志間

送元評事歸山居

憶家望雲路東去獨依依水宿隨漁火山行到竹扉寒
花催酒熟山犬喜人歸遙羨書窗下千峰出翠微

送武進韋明府

理邑想無事鳴琴不下堂井通楚越津市半漁商盧
橘垂殘雨紅蓮折早霜送君催白首臨水獨思鄉

送上官侍御

執簡朝方下乘輶去不賒感恩輕遠道入幕比還家碣
石春雲色邯鄲古樹花飛書報明主烽火一作戍 静天涯

送郭秀才制舉下第南遊

失志思浪跡知君晦近名出闕塵漸遠過郢興彌清山
盡溪初廣人間舟自行探幽無旅思莫畏楚猿鳴

送夏侯審校書東歸

楚鄉飛鳥沒一作外獨與碧雲

一作片帆還破鏡催

歸客殘陽

見舊山詩成流水上夢盡落花間儻寄相思字愁人定

解顏

送衛功曹赴荆南

漢家仍用武才子晚成名惆悵江陵去誰知魏闢情碧
雲愁楚水春酒醉宜城定想褰帷政還聞坐嘯聲

送馬使君赴鄭州

東土忽無事專城復任賢喜觀班瑞禮還在偃兵年膏
雨帶榮水歸人耕圃田遙知下車日萬井起新煙

送郎四補闕東歸

無事共千世多時廢隱淪相看憇簪組不覺老風塵勸
酒憐今別傷心倍去春徒言樹萱草何處慰離人

送陸三出尉

春草晚來色東門愁送君盛才仍下位明代負奇文且
樂神仙道終隨鴛鷺羣梅生寄黃綬不日在青雲

送安都秀才北還

年少工文客言離却解顏不嗟荆寶退能喜綠衣還新
月來前館高陽出故闕相思東北望燕趙隔青山

送褚十一潔擢第歸吳觀省

林表吳山色詩人思不忘向家流水便懷橘綠衣香滿
酌留歸騎前程未夕陽愴茲江海去誰惜杜蘅芳

送費秀才歸衡州

南望瀟湘渚詞人遠憶家客心隨楚水歸棹宿江花不

畏心期阻惟愁面會賒雲天有飛翼方寸佇瑤華

送陸郎中

事邊仍憇主舉酒復悲歌粉署含香別轅門載筆過鶯
聲出漢苑柳色過漳河相憶情難盡離居春草多

送僧歸日本

一作東

上國隨緣住一作至一作來一作去途若夢行浮天一作雲滄海

遠去世法舟一作船輕水月通禪觀魚龍聽梵聲惟憐

一慧一作燈塔一作影萬里眼中明

送楊聰擢第遊江南

行人臨水去新詠復新悲萬里高秋月一作色孤山遠別

時挂帆嚴子瀨酌酒敬亭祠歲宴無芳杜如何寄所思
送田倉曹歸覲

青絲絡驄馬去府望梁城節下趨庭處一作秋來懷橘

情別筵寒日晚歸路碧雲生千里相思夜愁看新月明

送張管書記一作送張

管記從軍

邊事多勞役儒衣逐鼓鼙日寒闌樹外峰盡塞雲西河

廣蓬難度天遙鴈漸低班超封定遠之子去思齊

送蕭常侍北使

絳節引雕戈鳴騶動玉珂戎城去日遠漢使隔年多鴈宿常連雪沙飛半渡河明光朝即邇杖杜早成歌

送李棲桐道舉擢第還鄉省侍

幾年深道要一舉過賢闕名與玄珠出鄉宜畫錦還蓮舟同宿浦柳岸向家山欲見寧親孝儒衣稚子班

送柳道士

去世能成道遊仙不定家歸期千歲鶴行邁五雲車海
上春應盡壺中日未斜不知相憶處琪樹幾枝花

送陸珽侍御使新羅

衣冠周柱史才學我鄉人受命辭雲陛傾城送使臣去
程滄海月歸思上林春始覺儒風遠殊方禮樂新

重送陸侍御使日本

萬里三韓國行人滿目愁辭天使星遠臨水澗一作霜
簡秋雲佩迎仙島虹旌過蜃樓定知懷魏闌回首海西頭

送陸贊擢第還蘇州

鄉路歸何早雲間喜擅名思親盧橘熟帶雨客帆輕夜
火臨津驛晨鐘隔浦城華亭養仙羽計日再飛鳴

送虞說擢第南歸覲省

南風起別袂心到衡湘間歸客一作客路楚山一作天遠孤舟

雲水閒愛君採蓮一作蘭處花島連家山得意且寧省人

生難此一作能義還

送原公南遊

有意兼程去飄然

一作兩

翼輕故鄉多

久別春草不傷

情洗鉢泉初暖焚香曉更清

自言一作嫌

難解縛何日伴

師行

送萬兵曹赴廣陵

秋日思還

一作遠

客臨流語別離楚城將坐嘯郢曲有餘

悲山晚桂花老江寒頻葉衰應湏揚得意更誦長卿辭

送李判官赴桂州幕

欲知儒道貴縫掖見諸侯且感千金諾寧辭萬里遊鴈

峰侵瘴遠桂水出雲流坐惜離居晚相思綠蕙秋

題蘇公林亭

平津東閣在別是竹林期萬葉秋聲裏千家落照時門
隨深巷靜窗過遠鐘遲客位苔生處依然又賦詩

賦得寒雲輕重色送子恂入京

無限寒雲色蒼茫淺更深從龍如有瑞捧日不成陰積
翠全低嶺虛明半出林帝鄉遙在日鐵馬又駿駿

賦得叢蘭曙後色送梁侍御入京

曙色傳芳意分明錦繡叢蘭生霽後日花發夜來風不

向三峰裏全勝一縣中遙知大

一作天

苑內應待五花驄

賦得餘水

一本題下有送人二字

曉日

一作月

餘水上春池一鏡明多從履處薄偏向飲時

清比雪光仍在因風片不成更隨舟楫去猶可助堅貞

賦得浦口望斜月送皇甫判官

起見西樓月依依向浦斜動搖生淺浪明滅照寒沙水
諸猶疑雪梅林不辨花送君無可贈持此代瑤華

賦得綿綿思遠道送岑判官入嶺

極目煙霞外孤舟一使星興中尋白雪

一作碧落夢裏過滄

溟夜月松江戍秋風竹塢亭不知行遠近芳草日青青

江寧春夜裴使君席送蕭員外

花院日扶疎江雲自卷舒主人熊軾任歸客雉門車曙
月稀星裏春煙紫禁餘行看石頭戍記得是南徐

送薛八謫居

東水將孤客南行路義千虹翻潮湖一作上雨鳥落瘴中

天謫去寧留恨思歸豈待年銜盃且一醉別淚莫潸然

送衡陽歸客

歸客愛鳴榔南征憶舊鄉江山追宋玉雲雨憶荆王醉
裏宜城近歌中郢路長憐君從此去日夕望三湘

送員外侍御入朝

別思亂無緒妖氛猶未清含香五夜客持賦十年兄霜
拂金波樹星迴玉斗城自憐江上鶴垂翅羨飛鳴

送李諫議歸荊州

歸舟同不繫纖草剩忘憂禁掖曾通籍江城舊列侯暮
帆依夏口春雨夢荊州何日朝雲陛隨君拜冕旒

送元中丞江淮轉運

一作王維詩

薄稅歸天府輕徭賴使臣歡需賜帛老恩及卷綃人去

問殊一作珠官俗來經幾劫

一作石蛇春東南御

一作高亭上又作郵

莫問一作使有風塵

送唐別駕赴郢州

少年從事好此去別愁輕滿座詩人興隨君郢路行薰

葭侵驛樹雲水抱山城遙愛下車日江臯春草生

送鄭巨及第後歸覲

多才白華子初擅桂枝名嘉慶送歸客新秋帶雨行離人背水去喜鵠近家迎別贈難為此衰年畏後生

宿遠上人蘭若

香花閉一林真士此看心行道白雲近然燈翠壁深梵筵清水月禪坐冷山陰更說東溪好明朝乘興尋

酬元祕書晚出藍溪見寄

野興引才子獨行幽徑遲雲留下山處鳥靜出溪時拙
宦不忘隱歸休常在茲知音倘相訪炊黍掃茅茨

別張起居

時多故

有別時留恨銷魂況在今風濤初振海鶴鷺各辭林舊
國關河絕新秋草露深陸機嬰世網應負故山心

郭司徒廳夜宴

一本題下有別字

秋堂復夜闌舉目盡悲端霜堞鳥一作鳥聲苦更樓月色
寒美人深別意斗酒少留歡明發將何贈平生雙玉盤

初至京口示諸弟

還家百戰後訪故叢人存兄弟得相見榮枯何處論新
詩添卷軸舊業見兒孫點檢一作檢點平生事焉能出

一作感慨

平生事焉能出

草一作杜門

月下洗藥

汲井向新月分流入衆芳濕花低桂影翻葉靜泉光露
下添餘潤蜂驚引暗香寄言養生客來此共提一作盈筐

一作筐

晚春永寧墅小園獨坐寄上王相公

東閣一何靜鶯聲落日愁夔龍暫為別
昏旦思薰秋蕙草出籬外花枝寄竹幽上方傳雅頌七夕讓風流

歲暇題茅茨

谷口逃名客歸來遂野心薄田供歲酒喬木待新禽溪路春雲重山厨夜一作野火深桃源應漸好仙客許相尋

九日登玉山

霞景青山上誰知此勝遊龍沙傳往事菊酒對今秋步石隨雲起題詩向水流急歸更有處松下片雲幽

宴崔駰馬玉山別業

金榜開青瑣驕奢半隱淪玉簫惟送酒羅袖愛留賓竹
館煙催暝梅園雪誤一作暎春滿朝辭賦客盡是入林人

春谷幽居

黃鳥鳴園柳新陽改舊陰春來此幽興宛是謝公心掃
逕蘭芽_芳一作出添池山影深虛名隨振鶯安得久棲林

賦得池上雙丁香樹

得地移根遠交柯遙指柔露香濃結桂池影鬪蟠虬黛

葉輕筠綠金花笑菊秋何如南海外雨露隔炎洲

題樊川杜相公別業

數畝園林好人知
賢相家結茅書閣儉帶水槿籬斜古
樹生春蘚新荷卷落花聖恩加玉鉉安得卧青霞

酬盧十一過宿

乞還方未遂日夕望雲林況復逢青草何妨一作勞問此
心閉門公務散枉策故情深遙夜他鄉宿同君梁甫吟

崔十四宅問候

曉日早鶯啼江城旅思迷微官同寄傲移疾阻招携遠
水間間內青山雉堞西王孫莫久卧春草欲萋萋

山路見梅感而有作

莫言山路僻還被好風催行客淒涼過村籬冷落開晚

溪寒水照晴日數蜂一本有峰一作來重憶江南酒何因把一盃

詠門上畫

一本有小字

松上元王杜三相公

一本有崔一作崔

昔聞生澗底今見起毫端衆草此時沒何人知歲寒豈
能禪棟宇且欲出門闌只在丹青筆凌雲也不難

早發東陽

卷二百三十六

信風催過客早發梅花橋數鴈起前渚千艘爭便潮將隨浮雲去日惜故山遙惆悵煙波末佳期在碧霄

舟中寄李起居

南一作雨行風景好昏旦水臯間春色郢中樹晴霞湖上山去家旅帆遠回首暮潮還蕙草知一作欲何贈故人雲

漢間

夜雨寄寇校書

秋館煙雨合重城鐘漏深佳期阻清夜孤興發離心燭
影出綃幕蟲聲連素琴此時蓬閣友應念昔同衾

喜李侍御拜郎官入省

粉署花驄入丹霄紫誥垂直廬驚漏近賜被覺霜移漢
主前瑤席穰侯許鳳池應憐後行鴈空羨上林枝

蘇端林亭對酒喜雨

小雨飛林頂浮涼入晚多能知留客處偏與好風過濯
錦翻紅蘚跳珠亂碧荷芳尊深美許此興可酣歌

見上林春鴈翔青雲寄楊起居李員外

上林春更好賓鴈不知歸顧影憐青鸞傳聲入紫微夜
陪池鷺宿朝出苑花飛寧憶寒鄉侶鸞凰一見稀

偶成

含毫意不淺微月上簾櫳門靜吏人息心間圓圓空繁
星入疎樹驚鵠倦秋風始覺牽牛劍宵眠亦在公

漁潭值雨

日入林島異鶴鳴風草間孤帆泊枉渚飛雨來前山客

意念留滯川途忽阻艱赤亭仍數里夜待安流還

題蕭丞小池

鶯鳴蕙草綠朝與情人人情一作期林沼忘言處鴛鴦養翮時春泉滋藥暖晴日度花遲此會無辭醉良辰難再追

御定全唐詩卷二百三十七